

ს ა ქ ა რ თ ვ ე ლ ო
ქალაქ ფოთის მუნიციპალიტეტის საკრებულო
იურიდიულ, სამანდატო, საპროცედურო საკითხთა და ეთიკის კომისია

ოქმი N10

„16“ დეკემბერი 2021 წელი.

სხდომას თავმჯდომარეობდა კომისიის თავმჯდომარე: ნიკა კორშია.

სხდომას ესწრებოდნენ: კომისიის წევრები- ოლეგი ნაჭყებია, ნანა ვეკუა, შალვა სარდალიშვილი, თორნიკე კირთაძე, ირაკლი კიკალეიშვილი, თამარ კაჭარავა.

მოისმინეს: ინფორმაცია, ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის სხდომის დღის წესრიგის შესახებ.

დღის წესრიგი:

1. საკრებულოს დადგენილების პროექტების პროექტების თაობაზე:

- ა) ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ.
 - ბ) ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის დებულების დამტკიცების შესახებ.
 - გ) ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ.
2. ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის 2022 წლის სამუშაო გეგმის დამტკიცების შესახებ.

მომხს: ნიკა კორშია - იურიდიულ, სამანდატო, საპროცედურო საკითხთა და ეთიკის კომისიის თავმჯდომარე

აზრი გამოთქვას კომისიის წევრებმა: ოლეგი ნაჭყებია, ნანა ვეკუამ, შალვა სარდალიშვილმა, თორნიკე კირთაძემ, ირაკლი კიკალეიშვილმა, თამარ კაჭარავამ.

დაადგინეს: დამტკიცდეს იურიდიულ, სამანდატო, საპროცედურო საკითხთა და ეთიკის კომისიის სხდომის დღის წესრიგი წარმოდგენილი სახით.

კენჭისყრის შედეგები:

მომხრე 7 წინააღმდეგი 0

მოისმინეს:

ინფორმაცია, საკრებულოს დადგენილების პროექტების პროექტების თაობაზე:

1. ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ.
2. ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის დებულების დამტკიცების შესახებ.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებაში შესატანია მთელი რიგი სამართლებრივი და რედაქციული ცვლილებები.

ამდენად, მიზანშეწონილია დამტკიცდეს ქალაქ ფოთის მუნიციპალიტეტის საკრებულოს ახალი რეგლამენტი და ძალადაკარგულად გამოცხადდეს მოქმედი „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილება.

საკრებულოს დადგენილების პროექტის „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ მიღების სამართლებრივი მიზეზები და მისი დამახასიათებელი ძირითადი ნიშნები:

საქართველოს ორგანულ კანონის „ადგილობრივ თვითმმართველობის კოდექსი“ 24-ე მუხლის პირველი პუნქტის „ბ.დ“ ქვეპუნქტში შეტანილი ცვლილების (2021 წლის 19 ნოემბერი) შესაბამისად, ახალარჩეული მუნიციპალიტეტის საკრებულოს პირველ სხდომაზე უნდა მოხდეს მუნიციპალიტეტის საკრებულოს კომისიის წევრთა რაოდენობისა და პროპორციული წარმომადგენლობის კვოტების განსაზღვრა და დამტკიცება, კომისიის შემადგენლობის ცნობად მიღება.

ამასთანავე, ამავე კოდექსის 28-ე მუხლის მე-2 პუნქტში შეტანილის ცვლილების (2021 წლის 19 ნოემბერი) შესაბამისად, მუნიციპალიტეტის საკრებულოს კომისიის შემადგენლობა განისაზღვრება კომისიებში მუნიციპალიტეტის საკრებულოს ფრაქციათა წარმომადგენლობისა და მუნიციპალიტეტის საკრებულოს იმ წევრთა რაოდენობის პროპორციულად, რომლებიც გაერთიანებული არ არიან არცერთ ფრაქციაში. მუნიციპალიტეტის საკრებულოს კომისიის წევრთა რაოდენობასა და პროპორციული წარმომადგენლობის კვოტებს ახალარჩეული მუნიციპალიტეტის საკრებულოს პირველ სხდომაზე განსაზღვრავს და ამტკიცებს მუნიციპალიტეტის საკრებულო.

ამდენად, შესაბამისი ცვლილება უნდა შევიდეს ქალაქ ფოთის მუნიციპალიტეტის საკრებულოს რეგლამენტში.

საქართველოს ორგანული კანონის „ადგილობრივი თვითმმართველობის კოდექსი“ 36-ე მუხლის პირველი პუნქტში შეტანილი ცვლილების (2021 წლის 19 ნოემბერი) შესაბამისად, მუნიციპალიტეტების (გარდა ქალაქ თბილისის მუნიციპალიტეტისა) საკრებულოებს დაემატათ საკრებულოს თავმჯდომარის პირველი მოადგილის თანამდებობა.

ამდენად, შესაბამისი ცვლილება უნდა შევიდეს ქალაქ ფოთის მუნიციპალიტეტის საკრებულოს რეგლამენტში.

ქალაქ ფოთის მუნიციპალიტეტის საკრებულოს რეგლამენტში სიტყვები „ნორმატიული აქტების შესახებ“ საქართველოს კანონი“ უნდა შეიცვალოს სიტყვებით: „ნორმატიული აქტების შესახებ“ საქართველოს

ორგანული კანონით“, ვინაიდან, საქართველოს კონსტიტუციური კანონის „საქართველოს კონსტიტუციაში ცვლილების შეტანის შესახებ“ (მიღების თარიღი 13/10/2017 წელი), მე-2 მუხლის პირველი პუნქტის „ბ“ ქვეპუნქტის შესაბამისად, ორგანული კანონის სტატუსი მიენიჭა საქართველოს კანონს „ნორმატიული აქტების შესახებ“, ამდენად, დადგენილებაში გასასწორებელია ზემოხსენებული რედაქციული ხარვეზი.

საქართველოს ორგანულ კანონში „ადგილობრივ თვითმმართველობის კოდექსი“ 2015 წლის 22 ივლისს შეტანილი ცვლილების შესაბამისად, კანონში სიტყვები „ადგილობრივი თვითმმართველობა“ შეიცვალა სიტყვებით „მუნიციპალიტეტი“, ამდენად, ქალაქ ფოთის მუნიციპალიტეტის საკრებულოს რეგლამენტში მთლიანად ტექსტში სიტყვები „ადგილობრივი თვითმმართველობა“ უნდა შეიცვალოს სიტყვებით „მუნიციპალიტეტი“.

საქართველოს ორგანულ კანონში „ადგილობრივ თვითმმართველობის კოდექსი“ 2021 წლის 2 ნოემბერს შეტანილი ცვლილების შესაბამისად, კანონის 24-ე მუხლის პირველ პუნქტში საკრებულოს კომპეტენციას, დაემატა შემდეგი შინაარსის „გ.ვ“ და „გ.ზ“ ქვეპუნქტები: „გ.ვ) მუნიციპალიტეტის საკუთრებაში არსებული ქარსაფარი (მინდორდაცვითი) ზოლის მართვის გეგმის დამტკიცება; გ.ზ) მუნიციპალიტეტის საკუთრებაში არსებულ ქარსაფარ (მინდორდაცვით) ზოლში სპეციალური დანიშნულებით ჭრის განხორციელების უფლების მინიჭების შესახებ გადაწყვეტილების დამტკიცება;“.

ამდენად, შესაბამისი ცვლილება უნდა შევიდეს ქალაქ ფოთის მუნიციპალიტეტის საკრებულოს რეგლამენტში.

მოქმედი ქალაქ ფოთის მუნიციპალიტეტის საკრებულოს რეგლამენტიდან, ამოსაღებია, ძალადაკარგული „სახელმწიფო დროშის შესახებ“ და „სახელმწიფო გერბის შესახებ“ საქართველოს ორგანული კანონები და მისათითებელია, მოქმედი „საქართველოს სახელმწიფო სიმბოლოების გამოყენების წესის შესახებ“ საქართველოს კანონი.

საკრებულოს საქმიანობის სრულყოფის მიზნით, საკრებულოს რეგლამენტის მე-7 მუხლის პირველი პუნქტი უნდა ჩამოყალიბდეს შემდეგი რედაქციით: „საკრებულოს მორიგი სხდომები, საქართველოს ორგანული კანონის „ადგილობრივი თვითმმართველობის კოდექსი“ 26-ე მუხლის პირველი პუნქტის შესაბამისად, ამ რეგლამენტით დადგენილი წესით, მოიწვევა თვეში ერთხელ მაინც. საკრებულოს მორიგი სხდომა როგორც წესი ტარდება თვის მე-2 ნახევარში. მორიგი სხდომის ჩატარების კონკრეტულ დღესა და დროს განსაზღვრავს საკრებულოს თავმჯდომარე.“.

საკრებულოს საქმიანობის სრულყოფის მიზნით, საკრებულოს რეგლამენტში უნდა შევიდეს შემდეგი ცვლილება: „საკრებულოს წევრს უფლება აქვს პროტესტის ნიშნად დატოვოს საკრებულოს, ბიუროს, კომისიის სხდომა. თუ, საკრებულოს წევრი გამოცხადდება საკრებულოს, ბიუროს, კომისიის სხდომაზე და ამის შემდეგ დატოვებს სხდომას აღნიშნული გარემოება არ იწვევს საკრებულოს წევრის ხარჯების ანაზღაურების შემცირებას.“.

საკრებულოს საქმიანობის სრულყოფის მიზნით, საკრებულოს რეგლამენტში უნდა შევიდეს შემდეგი ცვლილება: „მუნიციპალიტეტის ორგანოს ყველა თანამდებობის პირი, საჯარო მოსამსახურე, მუნიციპალიტეტის მიერ დაფუძნებულ იურიდიულ პირში დასაქმებული პირი ვალდებულია შეუფერხებლად მიიღოს საკრებულოს წევრი.“.

კანონის სახელწოდების ცვლილებასთან დაკავშირებით, საკრებულოს მოქმედ რეგლამენტში სიტყვები: „საჯარო სამსახურში ინტერესთა შეუთავსებლობისა და კორუფციის შესახებ“ საქართველოს კანონი“ უნდა შეიცვალოს სიტყვებით: „საჯარო დაწესებულებაში ინტერესთა შეუთავსებლობისა და კორუფციის შესახებ“ საქართველოს კანონით“.

საკრებულოს საქმიანობის სრულყოფის მიზნით, საკრებულოს რეგლამენტში უნდა შევიდეს შემდეგი ცვლილება: „საკრებულოს თავმჯდომარის არ ყოფნის შემთხვევაში, თავმჯდომარის მოვალეობას ასრულებს მისი პირველი მოადგილე, ხოლო მის მიერ უფლებამოსილების განხორციელების შეუძლებლობის შემთხვევაში – საკრებულოს თავმჯდომარის უხუცესი(ასაკით უფროსი) მოადგილე. თუ საკრებულოს თავმჯდომარის არცერთი მოადგილე არ არის არჩეული ან საკრებულოს თავმჯდომარის მოადგილეთა მიერ უფლებამოსილების განხორციელება შეუძლებელია, საკრებულოს თავმჯდომარის მოვალეობას ასრულებს საკრებულოს კომისიების უხუცესი თავმჯდომარე. თუ, საკრებულოს კომისიების უხუცესი თავმჯდომარის მიერ უფლებამოსილების განხორციელება შეუძლებელია, მაშინ საკრებულოს თავმჯდომარის მოვალეობას ასრულებს საკრებულოს კომისიების სხვა უხუცესი თავმჯდომარე“.

საკრებულოს თავმჯდომარის მოვალეობის შესრულების დაკისრება, კომისიის უხუცესი თავმჯდომარისთვის იმიტომ უნდა მოხდეს, რომ უხუცეს არჩეულ კომისიის თავმჯდომარეს უფრო მაღალი ლეგიტიმაციაა აქვს ვიდრე საკრებულოს უხუცეს წევრს.

საკრებულოს თავმჯდომარის პირველი მოადგილის თანამდებობის შემოღებასთან დაკავშირებით საკრებულოს რეგლამენტში უნდა შევიდეს შემდეგი ცვლილება: „საკრებულოს ბიურო არის საკრებულოს მუდმივმოქმედი კოლეგიური ორგანო. საკრებულოს ბიურო იქმნება, საკრებულოს საქმიანობის ორგანიზებისა და მუნიციპალიტეტის თანამდებობის პირთა საქმიანობის კონტროლის მიზნით, საკრებულოს თავმჯდომარის, საკრებულოს თავმჯდომარის პირველი მოადგილის, თავმჯდომარის 2 მოადგილის, საკრებულოს კომისიებისა და ფრაქციის თავმჯდომარეების შემადგენლობით.“.

საქართველოს ორგანულ კანონის „ადგილობრივ თვითმმართველობის კოდექსი“ 24-ე მუხლის პირველი პუნქტის „ბ.დ“ ქვეპუნქტში შეტანილი ცვლილების (2021 წლის 19 ნოემბერი) შესაბამისად, საკრებულოს რეგლამენტში უნდა შევიდეს შემდეგი ცვლილება:

„საკრებულოს ბიურო: „ამტკიცებს (გარდა ახალარჩეული მუნიციპალიტეტის საკრებულოს პირველი სხდომისა) საკრებულოს იურიდიულ, სამანდატო, საპროცედურო საკითხთა და ეთიკის კომისიის მიერ განსაზღვრულ და წარდგენილ საკრებულოს კომისიებში პროპორციული წარმომადგენლობის კვოტებს; ცნობად იღებს საკრებულოს კომისიის შემადგენლობაში შეტანილ ცვლილებას;“.

საქართველოს ორგანულ კანონში „ადგილობრივ თვითმმართველობის კოდექსი“ შეტანილი ცვლილების (2021 წლის 19 ნოემბერი) შესაბამისად, საკრებულოს რეგლამენტში უნდა შევიდეს შემდეგი ცვლილება: „საკრებულოს კომისიის შემადგენლობა განისაზღვრება საკრებულოს ფრაქციათა წარმომადგენლობისა და საკრებულოს იმ წევრთა რაოდენობის პროპორციულად, რომლებიც გაერთიანებული არ არიან არცერთ ფრაქციაში. საკრებულოს კომისიის წევრთა რაოდენობასა და პროპორციული წარმომადგენლობის კვოტებს განსაზღვრავს საკრებულოს იურიდიულ, სამანდატო, საპროცედურო საკითხთა და ეთიკის კომისია და ამ რეგლამენტით დადგენილი წესით ამტკიცებს მუნიციპალიტეტის საკრებულოს ბიურო, ხოლო ახლადარჩეული საკრებულოს პირველ სხდომაზე საკრებულოს კომისიებში პროპორციული წარმომადგენლობის კვოტებს განსაზღვრავს სამანდატო დროებითი კომისია და ამტკიცებს საკრებულო. ამ მუხლით გათვალისწინებულ შემთხვევებში საკრებულოს ბიუროს (მუნიციპალიტეტის საკრებულოს) მიერ საკრებულოს კომისიებში, საკრებულოს ფრაქციათა პროპორციული წარმომადგენლობის კვოტების დამტკიცებიდან 3 დღის ვადაში ფრაქცია თავისი გადაწყვეტილებით წარადგენს კომისიაში“.

კომისიის თავმჯდომარის არყოფნის, ან მის მიერ უფლებამოსილების განხორციელების შეუძლებლობის ან მისი, როგორც საკრებულოს წევრის უფლებამოსილების ვადამდე შეწყვეტის შემთხვევაში, კომისიის თავმჯდომარის დავალებით კომისიის ერთ-ერთი წევრი ასრულებს კომისიის თავმჯდომარის მოვალეობას. ამ საკითხზე კომისიის თავმჯდომარის დავალების არ არსებობის შემთხვევაში, კომისიის თავმჯდომარის უფლება-მოვალეობებს ასრულებს საკრებულოში უმრავლესობაში მყოფი ფრაქციის გადაწყვეტილებით წარდგენილი და დამტკიცებული კომისიის უხუცესი წევრი, თუ, კომისიის უხუცესი წევრის მიერ უფლებამოსილების განხორციელება შეუძლებელია, მაშინ კომისიის თავმჯდომარის უფლება-მოვალეობებს ასრულებს საკრებულოში უმრავლესობაში მყოფი ფრაქციის გადაწყვეტილებით წარდგენილი და დამტკიცებული კომისიის შემდეგი უხუცესი წევრი.“

კომისიის თავმჯდომარის მოვალეობის შესრულების დაკისრება საკრებულოში უმრავლესობაში მყოფი ფრაქციის გადაწყვეტილებით წარდგენილი და დამტკიცებული კომისიის უხუცესი წევრისთვის იმიტომ უნდა მოხდეს, რომ ზემოხსენებულ პირს უფრო მაღალი ლეგიტიმაცია აქვს (წარმომადგენს მოქალაქეების მიერ არჩეულ საკრებულოს წევრთა უმრავლესობას), ვიდრე საკრებულოს საკრებულოს სხვა უხუცეს წევრს.

საქართველოს ორგანულ კანონში „ადგილობრივ თვითმმართველობის კოდექსი“ შეტანილი ცვლილების (2021 წლის 19 ნოემბერი) შესაბამისად, საკრებულოს რეგლამენტში უნდა შევიდეს შემდეგი ცვლილება: „ერთი პოლიტიკური პარტიის წარდგენით არჩეულ საკრებულოს წევრებს უფლება არა აქვთ, შექმნან ერთზე მეტი ფრაქცია.“.

საქართველოს ორგანულ კანონში „ადგილობრივ თვითმმართველობის კოდექსი“ შეტანილი ცვლილების (2021 წლის 19 ნოემბერი) შესაბამისად, საკრებულოს რეგლამენტში უნდა შევიდეს შემდეგი ცვლილება:

„-საკრებულოს ორგანოებში საკრებულოს ფრაქციის წარმომადგენლობა განისაზღვრება ფრაქციაში გაერთიანებულ საკრებულოს წევრთა რაოდენობის პროპორციულად.

- საკრებულოს ფრაქციის მიერ საკრებულოს ორგანოში ან საკრებულოს თანამდებობაზე წარდგენილი წევრი საქმიანობას წყვეტს ფრაქციის გაუქმების, მისი ფრაქციიდან გასვლის ან გარიცხვის, ფრაქციის მიერ მისი ამ ორგანოდან გაწვევის შესახებ განცხადების საკრებულოს ბიუროს მიერ ცნობად მიღების მომენტიდან. ფრაქციას უფლება აქვს, ახალი კანდიდატურა წარადგინოს.

- თუ საკრებულოს ფრაქციის შექმნის, გაუქმების, ფრაქციაში წევრთა შესვლის, ფრაქციიდან წევრთა გასვლის ან გარიცხვის შემთხვევაში ფრაქციაში განხორციელებული ცვლილებები გავლენას ახდენს ფრაქციათა პროპორციულ წარმომადგენლობაზე, საკრებულოს იურიდიულ, სამანდატო, საპროცედურო საკითხთა და ეთიკის კომისია განსაზღვრავს პროპორციული წარმომადგენლობის ახალ კვოტებს.

- საკრებულოს ფრაქციებისთვის პროპორციული წარმომადგენლობის კვოტების გაზრდის შემთხვევაში საკრებულოს ორგანოებში ფრაქციის წარმომადგენლობის პერსონალურ საკითხებს წყვეტს შესაბამისი ფრაქცია.“.

საკრებულოს საქმიანობის სრულყოფის მიზნით, საკრებულოს რეგლამენტში უნდა შევიდეს შემდეგი ცვლილება: „აღნიშნული რეგლამენტის 49-ე მუხლის პირველი და მე-2 პუნქტების გარდა, განსაკუთრებულ შემთხვევაში (სტიქიური უბედურება, ეპიდემია და სხვა ობიექტური გარემოება), საქართველოს კანონმდებლობის მოთხოვნების დაცვით, საკრებულოს თავმჯდომარის ბრძანებით, საკრებულოს სხდომა შეიძლება მოწვეულ იქნეს საკრებულოს შენობის გარეთ სხვა ადგილას, საკრებულო შეკრებისთანავე კენჭისყრით იღებს ერთ-ერთ გადაწყვეტილებას: სხდომის საკრებულოს თავმჯდომარის ბრძანებით განსაზღვრულ ადგილას ჩატარების ან საკრებულოს შენობაში ჩატარების შესახებ.“.

საკრებულოს საქმიანობის სრულყოფის მიზნით, საკრებულოს რეგლამენტში უნდა შევიდეს შემდეგი ცვლილება: „საკრებულოს სხდომა საკრებულოს გადაწყვეტილებით შეიძლება გაგრძელდეს მხოლოდ 21 საათამდე. განსაკუთრებულ შემთხვევაში საკრებულოს გადაწყვეტილებით აღნიშნული დრო შეიძლება შეიცვალოს.“.

საქართველოს ორგანულ კანონში „ადგილობრივ თვითმმართველობის კოდექსი“ 2017 წლის 26 ივლისს შეტანილი ცვლილების შესაბამისად, საკრებულოს რეგლამენტში უნდა შევიდეს შემდეგი ცვლილება:

„საკრებულოს კომპეტენციაა საქართველოს ორგანული კანონით „ადგილობრივი თვითმმართველობის კოდექსი“ გათვალისწინებულ შემთხვევაში მუნიციპალიტეტის მერის წარდგინებით, მუნიციპალიტეტის სახელით დადებული ხელშეკრულების დამტკიცება, აგრეთვე ისეთი გარიგების დადებაზე თანხმობის მიცემა, რომლის ღირებულება აღემატება მუნიციპალიტეტის ბიუჯეტის გადასახდელების 5 პროცენტს;“.

მუნიციპალიტეტის ვებგვერდის ცვლილებასთან დაკავშირებით საკრებულოს რეგლამენტში უნდა შევიდეს შემდეგი ცვლილება: სიტყვები- „ვებგვერდი_ <http://poti.sakrebulo.ge/>“, უნდა შეიცვალოს სიტყვებით „ვებგვერდით- <http://poti.gov.ge/>“.

საკრებულოს საქმიანობის სრულყოფის მიზნით, საკრებულოს რეგლამენტში უნდა შევიდეს შემდეგი ცვლილება: „მუნიციპალიტეტის კერძო სამართლის იურიდიული პირის დასაქმებული ვალდებულია საკრებულოს, საკრებულოს ბიუროს, კომისიას წარუდგინოს აღნიშნული იურიდიული პირის საქმიანობასთან დაკავშირებული ინფორმაცია საქართველოს კანონმდებლობით დადგენილი მოთხოვნების დაცვით.“.

საკრებულოს საქმიანობის სრულყოფის მიზნით, საკრებულოს რეგლამენტში უნდა შევიდეს შემდეგი ცვლილება: „საკრებულოს თავმჯდომარის პირველი მოადგილე და მოადგილეები ახორციელებენ ფუნქციებს ამ რეგლამენტის შესაბამისად, საკრებულოს თავმჯდომარის ან საკრებულოს დავალებით. საკრებულოს თავმჯდომარის ბრძანებით შეიძლება განაწილდეს საკრებულოს თავმჯდომარის პირველ მოადგილესა და მოადგილეებს შორის ფუნქციები და საკურორატო სფეროები.“.

საქართველოს ორგანულ კანონში „ადგილობრივ თვითმმართველობის კოდექსი“ შეტანილი ცვლილების (2015 წლის 22 ივლისი) შესაბამისად, საკრებულოს რეგლამენტში უნდა შევიდეს შემდეგი ცვლილება:

“მუნიციპალიტეტის საკრებულოს და მუნიციპალიტეტის საკრებულოს კომისიის საჯარო სხდომებზე დამსწრე პირებს უფლება აქვთ, წინასწარი ნებართვის გარეშე, მაგრამ მხოლოდ სხდომის თავმჯდომარის თანხმობის შემთხვევაში, მუნიციპალიტეტის დაუსვან შეკითხვები მომხსენებელს და თანამომხსენებელს, გააკეთონ განმარტება და განცხადება, წარადგინონ ინფორმაცია. განცხადებები, მოხსენებები, და სხვა როგორც წესი კეთდება სხდომის ბოლოს დღის წესრიგით გათვალისწინებული საკითხების განხილვის ამოწურვის შემდეგ.“.

საკრებულოს საქმიანობის სრულყოფის მიზნით, საკრებულოს რეგლამენტში უნდა შევიდეს შემდეგი ცვლილება:

„თუ, პეტიციამ მუნიციპალიტეტის საკრებულოს ვებგვერდზე გამოქვეყნებიდან 30 დღის ვადაში, ვერ შეაგროვა დადგენილი რაოდენობის ხელმოწერა, პეტიციის ინიციატორს /ავტორს საკრებულოს თავმჯდომარე ბრძანებით უარს ეტყვის პეტიციის რეგისტრაციაზე. თუ, პეტიციამ დადგენილ ვადაში, შეაგროვა ხელმოწერათა რაოდენობა, მაგრამ გადამოწმების შემდეგ აღმოჩნდა, რომ პეტიციაზე არ არის დადგენილი რაოდენობის ხელმოწერა (დაშვებულია შედომები ხელმოწერი პირის რეკვიზიტებში, ხელმოწერი პირის რეგისტრაციის ადგილი არის სხვა მუნიციპალიტეტი), მაშინ პეტიციის ინიციატორს/ავტორს მიეცემა დამატებით ვადა (არანაკლებ 5 დღე) ხარვეზის აღმოსაფხვრელად, თუ, აღნიშნულ ვადაში ვერ შეგროვდა დადგენილი რაოდენობის ხელმოწერა, პეტიციის ინიციატორს /ავტორს საკრებულოს თავმჯდომარე ბრძანებით უარს ეტყვის პეტიციის რეგისტრაციაზე.“.

საკრებულოს საქმიანობის სრულყოფის მიზნით, საკრებულოს რეგლამენტში უნდა შევიდეს შემდეგი ცვლილება:

„საკრებულოს წევრი (მათ შორის საკრებულოს თანამდებობის პირი) როგორც წესი, წელიწადში ორჯერ არაუგვიანეს 1 ნოემბრისა და არაუგვიანეს 1 მაისისა, საკრებულოს განკარგულებით დამტკიცებული ფორმით წარუდგენს ამომრჩევლებს ანგარიშს გაწეული საქმიანობის შესახებ. საკრებულოს წევრის (მათ შორის საკრებულოს თანამდებობის პირი) მიერ ანგარიშის წარდგენა წელიწადში ერთხელ არაუგვიანეს 1 ნოემბრისა სავალდებულოა.“.

საკრებულოს საქმიანობის სრულყოფის მიზნით, საკრებულოს რეგლამენტში უნდა შევიდეს შემდეგი ცვლილება:

„ობიექტური გარემოებების არსებობისას, განსაკუთრებულ შემთხვევებში (სტიქიური უბედურება და სხვა) საკრებულო უფლებამოსილია გადაწყვეტილებების მიღებისას არ გაითვალისწინოს აღნიშნული რეგლამენტით დადგენილი პროცედურები, იმ პირობით რომ დაცული იქნება საქართველოს კანონმდებლობა.“.

საკრებულოს საქმიანობის სრულყოფის მიზნით, საკრებულოს რეგლამენტში უნდა შევიდეს შემდეგი ცვლილება:

„საქართველოს კანონმდებლობის მოთხოვნების დაცვით, ქალაქ ფოთის მუნიციპალიტეტის საკრებულოში იქმნება მუნიციპალიტეტის საკრებულოს უმრავლესობა და მუნიციპალიტეტის საკრებულოს ოპოზიცია.“. საქართველოს კონსტიტუციის მე-17 მუხლის პირველი პუნქტის შესაბამისად, ყველას აქვს სიტყვის, აზრის და შესაბამისად გამოხატვის უფლება, ამასთანავე, „ადამიანის უფლებათა და ძირითად თავისუფლებათა დაცვის კონვენციის“ (რომი, 1950 წლის 4 ნოემბერი) მე-10 მუხლის პირველი პუნქტის შესაბამისად, ყველას აქვს უფლება გამოხატვის თავისუფლებისა. ეს უფლება მოიცავს პირის თავისუფლებას, ჰქონდეს შეხედულებები, მიიღოს ან გაავრცელოს ინფორმაცია თუ, მოსაზრებები საჯარო ხელისუფლების ჩაურევლად, ე.ი. საკრებულოს წევრს აქვს სიტყვის, აზრის და გამოხატვის უფლება, შესაბამისად, ქალაქ ფოთის მუნიციპალიტეტის საკრებულოში შეიძლება შეიქმნას მუნიციპალიტეტის საკრებულოს უმრავლესობა და მუნიციპალიტეტის საკრებულოს ოპოზიცია. აქვე აღსანიშნავია, რომ საქართველოს პარლამენტის წევრების (სოზარ სუბარი, ირაკლი ზარქუა, ვიქტორ ჯაფარიძე, ბექა დავითულიანი, ანზორ ბოლქვაძე, დიმიტრი სამხარაძე) წარდგენილი კანონპროექტის „საქართველოს ორგანულ კანონში „ადგილობრივი თვითმმართველობის კოდექსი“ ცვლილების შეტანის თაობაზე“(08-12-2021 წელი) შესაბამისად, იქმნება მუნიციპალიტეტის საკრებულოს უმრავლესობა და მუნიციპალიტეტის საკრებულოს ოპოზიცია. ამასთანავე, მოქმედი „საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-3 პუნქტის შესაბამისად, მუნიციპალიტეტი უფლებამოსილია საკუთარი ინიციატივით გადაწყვიტოს ნებისმიერი საკითხი, რომლის გადაწყვეტაც საქართველოს კანონმდებლობით არ არის ხელისუფლების სხვა ორგანოს უფლებამოსილება და

აკრძალული არ არის კანონით. ამდენად, საკრებულო უფლებამოსილია მიიღოს ზემოხსენებული ცვლილება.

„საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი პუნქტის „ბ.ა.“ ქვეპუნქტის, 61-ე მუხლის მე-2 პუნქტის, „ნორმატიული აქტების შესახებ“ საქართველოს ორგანული კანონის მე-20 მუხლისა და 25-ე მუხლის პირველი პუნქტის „ბ“ ქვეპუნქტის შესაბამისად, ქალაქ ფოთის მუნიციპალიტეტის საკრებულო უფლებამოსილია, მიიღოს წარმოდგენილი დადგენილების პროექტი.

როგორც ზემოთ აღინიშნა, საქართველოს ორგანულ კანონში „ადგილობრივ თვითმმართველობის კოდექსი“ შეტანილი ცვლილების (2021 წლის 19 ნოემბერი) შესაბამისად, საკრებულოს რეგლამენტში უნდა შევიდეს შემდეგი ცვლილება: „საკრებულოს კომისიის შემადგენლობა განისაზღვრება საკრებულოს ფრაქციათა წარმომადგენლობისა და საკრებულოს იმ წევრთა რაოდენობის პროპორციულად, რომლებიც გაერთიანებული არ არიან არცერთ ფრაქციაში. საკრებულოს კომისიის წევრთა რაოდენობასა და პროპორციული წარმომადგენლობის კვოტებს განსაზღვრავს საკრებულოს იურიდიულ, სამანდატო, საპროცედურო საკითხთა და ეთიკის კომისია და ამ რეგლამენტით დადგენილი წესით ამტკიცებს მუნიციპალიტეტის საკრებულოს ბიურო.“, ამდენად, შესაბამისი ცვლილება უნდა შევიდეს, „ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის დებულების დამტკიცების შესახებ“ 2014 წლის 18 ივლისის №1/21 დადგენილებაში (www.matsne.gov.ge), 23/07/2014, სარეგისტრაციო კოდი: 010250020.35.111.016212). ამასთანავე, საკრებულოს დადგენილებაში სიტყვები „ნორმატიული აქტების შესახებ“ საქართველოს კანონი“ უნდა შეიცვალოს სიტყვებით: „ნორმატიული აქტების შესახებ“ საქართველოს ორგანული კანონით“, ვინაიდან, საქართველოს კონსტიტუციური კანონის „საქართველოს კონსტიტუციაში ცვლილების შეტანის შესახებ“ (მიღების თარიღი 13/10/2017 წელი), მე-2 მუხლის პირველი პუნქტის „ბ“ ქვეპუნქტის შესაბამისად, ორგანული კანონის სტატუსი მიენიჭა საქართველოს კანონს „ნორმატიული აქტების შესახებ“, ამდენად, დადგენილებაში გასასწორებელია ზემოხსენებული რედაქციული ხარვეზი. საქართველოს ორგანულ კანონში „ადგილობრივ თვითმმართველობის კოდექსი“ 2015 წლის 22 ივლისს შეტანილი ცვლილების შესაბამისად, კანონში სიტყვები „ადგილობრივი თვითმმართველობა“ შეიცვალა სიტყვებით „მუნიციპალიტეტი“, ამდენად, საკრებულოს დადგენილებაში მთლიანად ტექსტში სიტყვები „ადგილობრივი თვითმმართველობა“ უნდა შეიცვალოს სიტყვებით „მუნიციპალიტეტი“.

საკრებულოს დადგენილებაში შესატანია მთელი რიგი სამართლებრივი და რედაქციული ცვლილებები, ამდენად, მიზანშეწონილია მიღებულ იქნას ახალი დადგენილება „ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის დებულების დამტკიცების შესახებ“.

წარმოდგენილი დადგენილებების პროექტების მიღებასთან დაკავშირებით არ იზრდება ქალაქ ფოთის მუნიციპალიტეტის ბიუჯეტის ხაჯები.

ზემოხსენებული სამართლებრივი და სხვა რედაქციული ცვლილებების გათვალისწინებით საკრებულო უფლებამოსილია მიიღოს წარმოდგენილი დადგენილებების პროექტები.

საქართველოს ორგანული კანონის „ადგილობრივი თვითმმართველობის კოდექსი“ 137-ე მუხლის პირველი და მე-2 პუნქტების, „საქართველოს მთავრობის ადმინისტრაციის დებულების დამტკიცების თაობაზე“ საქართველოს მთავრობის 2018 წლის 26 ივნისის №340 დადგენილებით დამტკიცებული საქართველოს მთავრობის ადმინისტრაციის დებულების მე-4 მუხლის პირველი პუნქტის „გ.ე“ ქვეპუნქტის შესაბამისად, სამართლებრივი კონსულტაციის მიზნით ზემოხსენებული საკრებულოს დადგენილებების პროექტები უნდა წარედგინოს საქართველოს მთავრობას.

აზრი გამოთქვას კომისიის წევრებმა: ოლეგი ნაჭყებია, ნანა ვეკუამ, შალვა სარდალიშვილმა, თორნიკე კირთაძემ, ირაკლი კიკალაიშვილმა, თამარ კაჭარავამ.

დაადგინეს:

1. მოწონებული იქნას საკრებულოს დადგენილებების პროექტები:
 - ა) ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ (თანახმად დანართი 1-ისა).
 - ბ) ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის დებულების დამტკიცების შესახებ (თანახმად დანართი 2-ისა).
2. საქართველოს ორგანული კანონის „ადგილობრივი თვითმმართველობის კოდექსი“ 137-ე მუხლის პირველი და მე-2 პუნქტების, „საქართველოს მთავრობის ადმინისტრაციის დებულების დამტკიცების თაობაზე“ საქართველოს მთავრობის 2018 წლის 26 ივნისის №340 დადგენილებით დამტკიცებული საქართველოს მთავრობის ადმინისტრაციის დებულების მე-4 მუხლის პირველი პუნქტის „გ.ე“ ქვეპუნქტის შესაბამისად, სამართლებრივი კონსულტაციის მიზნით, საკრებულოს დადგენილებების პროექტები (იხილეთ დანართი 1, 2), წარედგინოს საქართველოს მთავრობას.
3. საქართველოს მთავრობის სამართლებრივი შენიშვნების გათვალისწინებით, (ასეთის არსებობის შემთხვევაში) იურიდიულ, სამანდატო, საპროცედურო საკითხთა და ეთიკის კომისიის თავმჯდომარემ ნიკა კორშიამ საკრებულოს წარუდგინოს დადგენილებების პროექტები (იხ. დანართი 1, 2), კომისიის სხდომის დამატებით მოწვევისა და ჩატარების გარეშე.

კენჭისყრის შედეგები:

მომხრე 7 წინააღმდეგი 0

მოისმინეს:

ინფორმაცია, ქალაქ ფოთის მუნიციპალიტეტის საკრებულოს დადგენილების პროექტის „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ თაობაზე.

აზრი გამოთქვას კომისიის წევრებმა: ოლეგი ნაჭყებიაძე, ნანა ვეკუაძე, შალვა სარდალიშვილიძე, თორნიკე კირთაძე, ირაკლი კიკალაიშვილიძე, თამარ კაჭარავაძე.

დაადგინეს:

1. საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ა“ ქვეპუნქტის, 24-ე მუხლის პირველი პუნქტის „დ.ა“ ქვეპუნქტის, 54-ე მუხლის პირველი პუნქტის „გ.ა“ ქვეპუნქტის, საქართველოს კანონის „საქართველოს საბიუჯეტო კოდექსის“ 77-ე და 78-ე მუხლების შესაბამისად, საკრებულო უფლებამოსილია მიიღოს „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ საკრებულოს დადგენილების პროექტი.

რაც შეეხება ქალაქ ფოთის მუნიციპალიტეტის მერის მიერ წარმოდგენილ საკრებულოს სამართლებრივი აქტის პროექტის დასაბუთებასა და მიზანშეწონილობას, აღნიშნულ საკითხთან დაკავშირებით პასუხისმგებლობა ეკისრება პროექტის ავტორს.

2. საკრებულოს წარედგინოს კომისიის დასკვნა თანახმად დანართი 3-ისა.

კენჭისყრის შედეგები:

მომხრე -7 წინააღმდეგი 0

მოისმინეს:

ინფორმაცია, ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის 2022 წლის სამუშაო გეგმის დამტკიცების შესახებ.

აზრი გამოთქვას კომისიის წევრებმა: ოლეგი ნაჭყებიაძე, ნანა ვეკუაძე, შალვა სარდალიშვილიძე, თორნიკე კირთაძე, ირაკლი კიკალაიშვილიძე, თამარ კაჭარავაძე.


დაადგინეს:

საკრებულოს წარედგინოს ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის 2022 წლის სამუშაო გეგმა თანახმად დანართი 4-ისა

კენჭისყრის შედეგები:

მომხრე 7 წინააღმდეგი 0

იურიდიულ, სამანდატო, საპროცედურო საკითხთა და ეთიკის კომისიის
თავმჯდომარე



ნიკა კორშია

ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის 2022 წლის სამუშაო გეგმა

საკრებულოს სხდომაზე განსახილველი საკითხები

N	განსახილველ საკითხთა ნუსხა	შესრულების ვადა	პასუხისმგებელი პირი	შენიშვნა
1.	ქალაქ ფოთის მუნიციპალიტეტის მერიის ადმინისტრაციული სამსახურის ანგარიში	ნოემბერი	ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის თავმჯდომარე, ქალაქ ფოთის მუნიციპალიტეტის მერიის ადმინისტრაციული სამსახურის უფროსი	
2.	სხვადასხვა მიმდინარე საკითხები	იანვარი-დეკემბერი	ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის თავმჯდომარე.	